



Inatsisartunut ilaasortaq
Jess Svane, Siumut
/Maani

Erngup nukinganik nukissiorfiit aamma mingutsitsinngitsumut
allanngoriartortitsinissaq pillugit § 37 naapertorlugu apeqquteqaammut nr. 28-
mut akissuteqaat

Asasara Jess Svane

Erngup nukinganik nukissiorfiit aamma mingutsitsinngitsumut
allanngortitsinissaq pillugit Inatsisartut suleriaasianni § 37 imm. 1 naapertorlugu
Naalakkersuisunut apeqquteqarputit.

Apeqqut 1

Minguittumik nukissiuutitigut nuna tamakkerlugu inerisaanissamik
siunniussaqlarluni ingerlatsineq Naalakkersuisut qanoq ingerlatseqqinniarpaat?

Akissut

Ilaatigut erngup nukingata ukkatarineqarneratigut nunarput tamakkerlugu
mingutsitsinngitsumut allanngoriartortitsinissamik suliaqarneq Naalakkersuisut
ingerlateqqinniarpaat.

Mingutsitsinngitsumut allanngoriartortitsinerup sukkanerulersinnissaanut
suliniutissaq aalajangersimasoq tassaasussaavoq Qasigiannuani aamma
Aasianni pilersuinermut erngup nukinganik nukissiorfiliornissaq kiisalu Nuummi
Kangerluarsunnguani erngup nukinganik nukissiorfiup allilerneqarnissaa.
Erngup nukinganut suliniutit marluk taakkua pisortat pilersuineranni nukissiaq
ataavartoq 70 procentit missaannik 90 procentit missaannut
annertusitinneqartussaavoq. Tamatumunnga inatsisissatut siunnersuut
Naalakkersuisut tusarniaanermut nittartagaatigut tamanut ammasumik
tusarniaassutigalugu nassiunneqaqqammerpoq.

Apeqqut 2

Erngup nukiga atorlugu nukissiorfiup annertusaqqinnissaa (Nuuk) aammalu
nutaamik sanaartornissap (Qasigiannugit kujataani)
anigaasalersorneqarnissaanik siunnersuummik suliaqarnerup inatsisartunut
qaqitassanngortinneqareersup qanoq pilersaaruteqarfigineqarpa?

Akissut

Erngup nukinganik iluaquteqarluni nukissiorfissanik sanaartugassanut,
anigaasalersuineranut aamma ingerlatsineranut atortulersuutinullu taakkununnga
atasunut Nuummik kiisalu Qasigiannuani aamma Aasiannik pilersuineranut
atatillugu killiliussatut inatsisissatut siunnersuut Naalakkersuisut tusarniaanermut

Ulloq: 21-05-2021
Suliap nr. 2019 - 21353

Postboks 1614
3900 Nuuk
Tlf (+299) 34 50 00
E-mail: pan@nanaq.gl
www.naalakkersuisut.gl

nittartagaatigut tamanut tusarniaassutigalugu nassiunneqaqqammerpoq.
Inatsisissatut siunnersuut 2021-mi Inatsisartut ukiaanerani ataatsimiinneranni
suliarineqassasoq naatsorsuutigineqarpoq.

Inussiarnersumik inuulluaqqusillunga


Kalistat Lund